

ХЕНЗИГ ДИИСПЕЙ.

Кээргенчиг үнү-биле
Хензиг дииспей кудумчуда
Ээм кай диген ышкаш
Эге чааскаан эдип орду


Бажыңымга эккелгештиң
Ваннага сугга чугдум.
Селбер хирлиг дүгү ынчан
Сергек, силиг кылаңнады

Тавак долдур сүттү чылгап,
Таваар шөлээн чыткылаар-даа,
Ала-шокар бөмбүүмнү чууп,
Аажок ойнаар чаптанчыг-дыр



АНАЙЛАРЫМ - ИЙИСПЕЙЛЕР

Аккыр хар дег дөмей-дөмей
Анайларым – ийиспейлер,
Чалым-хая кырлай-кырлай
Чаржып ойнап туру силер.
Тайып ушпас, чараштарым,
Дадыр-дадыр, сидир-сидир.
Мээң безин үнүп чадаан,
Бедик баштыг Кызыл-Хаям
Амыр кырлап халчыр боорга,
Адааргаксап көөр-дүр мен
Эх, э-ээх, дөскел чоктар,
Эрес-дидим, кашпайгайлар.



ФЕДЕРАЛДЫГ ТӨЛЕВИЛЕДЕР
«ЧАШ АЖЫ-ТӨЛДҮГ ӨГ-БҮЛЭЛЕРГЕ
ДЕТКИМЧЕ», «АМГЫ ҮЕНИҢ ШКОЛАЗЫ»



Тыва Республиканың Дзун-Хемчик кожунунуң Чадаана хоорайның школа назыны четпээн уругларның муниципалдыг автономнуг өөрөдилге албан чери «Хээлер» уруглар сады

АДА-ИЕНИҢ СҮМЕ АЛЫР ТӨВҮ

“А М Ы Д Ы Р А Л Д Ы Ң
Ч Е Л Э Э Ж И”



Үндүрүлгө №4

УРУГЛАРГА ШҮЛҮКТЕР

Белеткел бөлүүнүн ада-иезинге сүмелер

Үндүрүлгениң тургузукчузу: Хорлуг-оол
А.К. , улуг кижизидикчи башкы-методист



БЫЗААМ

Чайгы кыскыл элик ышкаш,
Чараш шилги бызаалыг мен.
Бараанымны көрүп каапкаш,
Бажын чайып дешкилеп кээр.
Иези-ле көстүп келзе,
Бирде олче, бирде менче
Чаяңнадыр басса-басса,
Бийир ышкаш кудуругун
Шавылдырлай асты каапкаш,
Иезинче куштадыптар.
Авазынга, меңээ ышкаш,
Аттыг ынак бызаам чүве.



ТЕВЕ

Ындыг белең суксавас-даа,
Ышкамнаvas, аштаvas-даа,
Мөгеннери, ийи тей дег.



АЪТ

Шанактаптар, тергелептер,
Шаап мунар, чортуп мунар,
Артка, сынга тура дүшпес.



ЫТ

- Ыт, ыт! Адың кымыл?
- Хөг-хөг, хөг-хөг!
- Чүнү кылып тур сен, ыт?
- Хөг-хөг, хөг-хөг!
- Ынчаарга чем херек бе?
- Хөг-хөг, хөг-хөг!

МЭЭҢ ЫДЫМ

Кара-хүрең мага-боттуг
Казбек деп ыттыг-ла мен.
Ыттар көргөш ээре-ле бээр.

